

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS ultimâ IANVARII.

M. NICOLAO MATTHIEV Doctore Medico Præsîde.

An Hermaphroditus utroque sexu potens?

NATVRÆ aberrantis opus, monstrum. Triplex est, in specie, sexu, effigie. In sexu monstrum Hermaphroditus. Hic maris & fœminæ partibus genitalibus instruitur, quarum alterutra vel utraque peccat. Vt plurimum clitoris mole auctus membri virilis loco est; & fissura extima pudendi muliebris rude quoddam & enorme simulacrum imitatur. Sunt quibus utriusque sexûs partès exactè videntur conformata. Cui penis geminis comitatus testibus arrigit cristas, & semen ejaculatur, mas. Cuius ex utero manat semen ac sanguis, fœmina. Non utroque sexu potens, nisi partibus perbellè descriptis cum men-
struo sanguine semen utrumque suppediret. Ad Hermaphroditum generationem synodus Mercurij & Veneris in signis bicorporeis, dierum à lunari profluvio numerus, externa parentum ad voluptarium opus incumbentium dispositio aut partium uteri varietas nequicquam facit. Vt ex masculino femine prædominante mas, ex fœminino fœmina; sic ex utroque pari robore concurrente exoritur Androgynus.

DVO generationis nostræ principia sunt semen & sanguis maternus. Semen duplex, virile & fœmininum. Vtrumque necesse est concurrere ad prolem. Hoc illud alit; omne calidum moderato frigido nutritur. Semen sanguis est in vasis spermaticis excoctus, perfectus in testibus. Qui repetitis vicibus Veneri sapiùs litant, semen effundunt inutile, cruentum, nullam à testibus alterationem passum. Vt ex femine ab animâ suam sibi architectante domicilium construunt partes spermaticæ, sic ex sanguine carnosæ. Hic illis conditis affluit labis omnis expert, nec futurorum cœlymatum, superstitie in venis fermento quodam, author. Secus, fit informis mola, uteri pondus inutile. Prout utrumque ab ignavis fortibusve desluit parentibus, imbellis aut generosa datur proles.

HERMAPHRODITI, qui utriusque sexûs genitalia præ se ferunt perfecta, semper aliquid intrusum monstrum. His per duplicata vasa deferentia idem semen ad penem utrumque se proruit; si comes menstruum adsit, fœmineum; si absit, virile semen est. Nec refert quodque pudendum proprio femine in diversis utriusque sexûs testibus confecto madescat. Androgynis lex alterutrius sexûs non nisi ex Medicorum consilio facit optionem, pœnas daturis si variarent. Decernendum est ut vegetiorem eligant, casto ne abutantur. Sed ecquis modus adsit amoris? Homines primâ origine Hermaphroditos extitisse, vel irati Iovis indices esse funestos, fabula. Nihil exitiale portendunt. Eos amare turpe; ut olim in profluentem abicere crudele.

HERMAPHRODITIS ut plurimum à primo ortu non absoluta genitalia sunt inopiâ feminis. His licet ritè compositis utriusque sexûs pensâ non absolvunt. Virile semen cum menstruo nullatenus reperitur: Illud à calidâ temperie corporis, hoc à frigidâ quæ simul non stant. Viragines, saltatrices & aliæ mulieres impigræ ad laborem, in quibus potentior calor sanguinis reliquias per halitus digerit; menstruo sanguine carent. Sæpè ob partitionem spirituum à corde primo vivente influentium neutrum in Androgynis semen redditur ad generandum habile. Spiritibus ad bina pudenda iter tenentibus, nec penis arrigitur nec uterus hiat ac semen illicit. Hinc illo vel hoc etiam perfecto sexu rarò generant.

IN hominis quàm in cæterorum animalium partu major diversitas. Brutis statuta sunt ac definita pariendi tempora. Homo à quinto ad undecimum mensem fœtus edit; quorum ante nonum natis quæ primum dat hora diem sæpè carpit; vixque quem longa minuat senectâ. Bruta quæ citâ morte auferuntur, plures fœtus parturiunt. Homo tardior victima nil miserantis Orci vix gemellos reponit. Interdum parit Hermaphroditos. An solus? Lepores omnes incredibili fœcunditate tales audiunt. In equis, cervis, canibus aliquando visi sunt. Diceres Naturam in producendis Androgynis generationis avidam lasciviendo velut oberrasse; quæ duobus operam navans in utroque defecit, aut alterutrum reliquit imperfectum.

Non ergo Hermaphroditus utroque sexu potens.

DOMINI DOCTORES DISPVATVRI.

M. Claudius de Frades.

M. Michæil Denyau.

M. Agidius le Bel, unici Fratris Regis Medicus Ordinarius.

M. Abrahamus Thevart.

M. Nicolaus Lienard.

M. Philippus Douté.



M. Guido Patin, Professor Regius.

M. Iacobus Thevart.

M. Urbanus Bodineau.

Proponebat Lutetiæ FELIX LISLEMAN, Constantiensis, A. R. S. H. M. DC. LXIX.